



Fréttir af verkefninu og staða framkvæmda

- **Gerð nýrra bílastæða við Eirberg með haustinu**
- **Gerð nýrra bílastæða austan við Læknagarð**
- **Framkvæmdir við gerð nýs hjólaskýlis**
- **Jarðvegsframkvæmdir við nýjan meðferðarkjarna**
- **Frágangur meðfram kvennadeild**
- **Gerð bílastæða við vesturgafl Gamla Spítala**
- **Gerð undirganga undir Gömlu Hringbraut**
- **Akstursleið inn á framkvæmdasvæði meðferðarkjarna frá Læknagarði**

Gerð nýrra bílastæða við Eirberg fyrir sjúklinga (Sjá nr. 1 á korti)

Stefnt er að gerð nýrra bílastæða við Eirberg með haustinu og verða þau ætluð fyrir sjúklinga. Hönnunarvinna við gerð bílastæðanna stendur yfir.

Unnið að gerð nýrra bílastæða austan við Læknagarð (sjá nr. 2 á korti)



Þetta verða malarstæði með um 70 ógjaldskyldum stæðum fyrir starfsmenn og nemendur. Búið er að móta og þjappa svæðið í rétta hæð. Eftir á að færa framkvæmdagirðingu og skipta bílastæðinu upp áður en að þau verða tekin í notkun.


Pess ber að geta að yfirleitt eru laus bílastæði á suðursvæði Landspítalans meðfram Hringbrautinni.

Framkvæmdir við gerð nýs hjólaskýlis (Sjá nr. 3 á korti)



Framkvæmdir eru hafnar við gerð nýs hjólaskýlis við vesturenda bílastæðis við eldhús- og rannsóknastofubýggingu Landspítala. Hjólaskýlið verður með tveggja hæða hjólarekkum og mun rúma 64 hjól í allt. Einnig verður settur upp hjólaviðgerðarstandur í skýlinu fyrir smærri hjólaviðgerðir. Stefnt er að opnun hjólaskýlis í október.

Jarðvegsframkvæmdir við nýjan meðferðarkjarna. (Sjá nr. 4 á korti)





24/09/2019 09:38:04 GMT



24/09/2019 09:40:55 GMT

Vinna við sprengingar og uppgröft nýs meðferðarkjarna heldur áfram og gengur vel. Framkvæmdasvæði meðferðarkjarnans er nú komið í fulla stærð og eru bergstyrkingar á vestari hluta kjarnans byrjaðar. Framkvæmdasvæðið er vaktað og er öll óviðkomandi umferð um svæðið bönnuð.

Frágangur meðfram kvennadeild. (Sjá nr. 5 á korti)



24/09/2019 09:22:15 GMT

Vinna við uppsteypu á tengigangi austan kvennadeilda er lokið. Búið er að fylla yfir tengiganginn og malbika akbraut yfir sem liggur til austurs neðan við Gamla Spítala. Yfirborðsfrágangur milli akbrautar og kvennadeildarhúsi er á lokametrunum, en þar verður snjóbræddur, hellulagður göngustígur.

Bílastæði við vesturgafl Gamla Spítala (Sjá nr. 6 á korti)



24/09/2019 09:21:54 GMT

Vinna við ný bílastæði við vesturgafl Gamla Spítala er hafin. Sprengivinnu við lækkun á klöpp undir bílastæðum er lokið vinna við fyllingar undir bílastæðin hafin. Í framhaldinu hefst svo uppbygging á grjóthleðslum og öðrum frágangi.

Gerð undirganga undir Gömlu Hringbraut. (Sjá nr. 7 á korti)



Áfram er unnið að uppslætti og steypuvinnu við stoðveggi og undirgöng. Búið er að steypa plötu og kantbita yfir undirgöngin og er vinna við stoðveggi í tengslum við undirgöng langt komin. Lagnavinnu á svæðinu er að mestu lokið og vinna við uppbyggingu göngustíga á svæðinu er hafin.

Vakin er athygli á því að gönguleið er núna frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Framkvæmdir í og við undirgöng munu standa yfir út október.

Gæta skal varúðar við akstur í námunda við vinnusvæði meðferðarkjarnans. (Sjá nr. 8 á korti)




Allur akstur vinnutækja inn á vinnusvæði meðferðarkjarnans er nú frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönnum er bent á að sýna aðgát við akstur á svæðinu.



Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is
Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is.

Sértækar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is